

Catsch'aulta era igl october

La regenza ha presentau il messadi per la revisiun parziala dalla lescha da chatscha cantunala

DA HANS HUONDER / ANR

■ En cass da basegns duei la catsch'aulta vegnir aviarta egl avegnir danovamein igl october. La regenza duei saver decider nua che quella ha liug. Quei ei in dils puncts principals dalla revisiun parziala dalla lescha da chatscha cantunala.

Miez october sefatschenta il cussegli grond dallas propostas dalla regenza, respectivamein dil messadi ch'ella ha presentau il gliendisdis avonmiedzi als mieds da massa. Pertucont ina reavertura dalla chatsch'aulta igl october ademple scha ella ina incumbensa dil cussegli grond. La regenza propona ussa la pussevilladad da far chatscha sin tscharvas e caveuls duront quater dis ella secunda mesedad igl october. Quei duei succeder en ina moda flexibla, respectivamein mo ellas regiuns nua che quei fa da basegns sin fundament dil plan da chatscha. Medemamein duei la chatsch'aulta igl october buca succeder leu nua ch'ella savess impedir il returno dallas tscharvas da lur loghens da viver dalla stad, pia per motivs dalla planisaziun dalla chatscha. L'Uniu cantunala dils chatschadurs da pa-



En connex cun las midadas el menaschi da chatscha propona la regenza era in alzament dil prezi per las patentes da chatscha.

FOTO E. MONN

tenta dil Grischun era s'exprimida la primavera claramein encounter ina reavertura dalla chatsch'aulta igl october. La revisiun parziala dalla lescha cunteng denton aunc ulte-

riuras midadas. Aschia vul la regenza introducir ina patenta da hosp, scumandar la chatscha da traplas e scaffir la baza legala per saver far controllas d'alcohol tier chatscha-

dur(a)s egl avegnir. Medemamein duei la munizion cun plum vegnir scumandada.

> COMMENTARI E PAGINA 2

2

MARDI, ILS 16 DA AVUST 2016

LA QUOTIDIANA

Revisiun parziala da la lescha da chatscha

La regenza ha deliberà la missiva

■ (cc) La regenza ha deliberà la missiva tar la revisiun parziala da la lescha chantunala da chatscha e da l'ordinaziun chantunala da chatscha. Tener la missiva tar la revisiun parziala da la lescha chantunala da chatscha e da l'ordinaziun chantunala da chatscha duai la chatscha auta vegnir prolungada en il mais d'october. En quest connex duain vegnir resguardadas er differentas finamiras da l'iniziativa dal pievel «Per ina chatscha etica che sa cumporta cun la natira». La chatscha cun traplas duai vegnir abolida. Las taxas da patenta per la chatscha auta duain vegnir augmentadas cun mesira.

La lescha chantunala da chatscha vertenta datesha da l'onn 1989. Dapi lura e cun l'introducziun da la planisaziun da chatscha s'orientescha la chatscha grischna als princips da la persistenza. Per l'emprima giada è la lescha chantunala da chatscha vegnida adattada l'onn 2006. Cunzunt l'interrupziun da la chatscha durant il mais da settember è sa cumprovada. Guardond enavos poi vegnir constatà che las finamiras ch'eran vegnidias messas quella giada èn vegnidias cuntaschidas per gronda part grazia a concepts da chatscha adattads. Il Grischun possea da oz effectivs da selvaschina sauns ch'en adattads per gronda part a las relaziuns regionalas e che han structuras naturalas. Medemamain han pudì vegnir reducids ad ina dimensiun supportabla las perditas tras selvaschina disgraziada ed ils donns che la selvaschina chaschuna vi da culturas agriculas. Ils tschiervs avevan questa primavaira ina populaziun da circa 16 500 animals. Quest effectiv sto vegnir reduci in moda persistenta per pudair impedir donns da selvaschina smesrads en il guaud.

La revisiun actuala corrispunda ad ina incumbensa dal cussegli grond che vul possibilizar la reavertura da la chatscha sin tschiervs e sin chavriels durant il mais d'october. A medem temp vegnan resguardads ils resultats da la procedura da



L'inspectur da chatscha Georg Brosi e cusseglier guvernativ Mario Cavigelli han preschentà la nova lescha da chatscha.

FOTO Y. BÜRKLI

consultaziun che ha gù lieu dal december 2015 fin il favrer 2016.

Il project da revisiun actual ha ils sustants accents:

Prolungaziun da la chatscha auta durant il mais d'october

L'introducziun da quatter dis supplementars da la chatscha sin tschiervs e sin chavriels l'october ha chattà pauca acceptanza en la consultaziun. Ma si tracta qua d'ina incumbensa acceptada dal cussegli grond, per la quala la regenza sto suttamenter ina proposta da realisaziun.

giunal. En connex cun la chatscha d'october vegn midada er la chatscha da capricorns. Quella dura da nov dal 1. d'october fin ils 15 da novembre.

Iniziativa chantunala dal pievel «Per ina chatscha etica che sa cumporta cun la natira»

La regenza renconuscha che singuls giavischs da questa iniziativa èn motivads e pon vegnir realisads en ina furma modifigada sco untraproposta indirecta en il rom da la revisiun parziala actuala da la lescha chantunala da chatscha. Cun la revisiun vegni pia proponi da scumandar per gronda part la chatscha cun traplas. Medemamain duai vegnir francada l'obligaziun da tir per la chatscha tras l'obligaziun da relaschar normas da prestaziun liantas. Plinavant vegni prescrit d'introducir ballas e ballins senza plum, uschespert che

quai po vegnir responsà per motivs da segrezzza e sin fundament da ponderaziuns da la protezion d'animals. La finala duai esser scumandà d'ir a chatscha en in stadi d'alcoholisaziun u sut l'infuenza surporziunala da narcotics.

Aboliziun da la chatscha cun traplas

Cun l'aboliziun da la chatscha cun traplas vegn ademplida ina pretensiun da l'iniziativa dal pievel «Per ina chatscha etica che sa cumporta cun la natira». La chatscha cun traplas ha oz mo pli ina impurtanza subordinada. Necesaria èella per impedir donns da selvaschina en l'areal d'abitati sco er tar manaschis agriculs en la vischinanza da vitgs e tar edifizis singuls. En questi cas dastgan la surveglianza da chatscha sco er chatschadras e chatschaders ch'en autorisads da l'uffizi da chatscha e pestga duvrar vinavant traplas en furma da chaschas,

sch'il diever d'armas da fieu na po betg vegnir responsà per motivs da segrezzza.

Augment da las taxas da patenta

Per chatschadras e chatschaders indigens duai la patenta da chatscha auta vegnir augmentada da 697 francs ad 800 francs. Er per chatschadras e chatschaders d'ordaifer duai vegnir augmentada la taxa da patenta, e quai per 14,8 pertschient. A favor da quest augment pledan dus motivs. Per l'ina sto vegnir cumpensada la diminuziun da las entradas or da la vendita da patentas e per l'autra vegn la chatscha d'october a chaschunar damain entradas tar la chatscha speziala. Mo cun in augment da las taxas per la patenta da chatscha po pia il retgav da las taxas da patenta e da las taxas da prelevaziun sco er da las ulteriuras entradas da la chatscha cuvrir er en il futur almain ils custs dals fatgs da chatscha. Sch'il cussegli grond desista d'introducir la chatscha d'october ston las taxas per la patenta da chatscha auta vegnir augmentadas per 7,6 pertschient, e quai per cuntanscher las finamiras menziunadas.

Indemnisaziun da donnas da selvaschina

Indemnisaziuns per donnas da spezias da selvaschina protegidas paja la confederaziun mo sch'il chantun surpiglia ils custs restants. Cun la revisiun da l'ordinaziun chantunala da chatscha vegn stgaffida questa premissa. Uschia po il chantun indemnizar en il futur –

dals donnas chaschunads da las spezias da selvaschina protegidas luf-tscherver, aglia, urs e luf – da nov er ils donnas dals casturs, da las ludras (50 pertschient dals custs dals donnas) sco er dals schacals mellens (80 pertschient dals custs dals donnas).

Igl è previs da tractar la revisiun parziala da la lescha chantunala da chatscha e da l'ordinaziun chantunala da chatscha durant la sessiun d'october 2016.